

## CONCILIVM PROVIN. COLONIEN.

no conferuentur. Verum vt alia plurima , ita vt hic mos hominum malitia deprauatus est. Quod per occasionem talis deambulationis ( quæ deo plæ cando erat instituta ) pleraque scelera committantur . Quamobrem nobis satius videtur , vt hæc , aliæc supplicationes ac processiones de cætero intra septa ecclesiæ fiant , ac vt in templo , loco precationibus peculia riter dedicato , oretur deus . Habeaturcæ tum pius rei ac temporis conueniens ad populum commonitorius sermo . Nostris tamen Suffraganeis liberum re linquimus , vt ipsi in suis dioceſib⁹ de hac re , vti mores regionis patien tur , dispiciant .

Marc. II.

Admonendus populus , cur feriæ institutæ . Cap. IX.

Apoca. I.

Diligenter quoque populus admonendus est , cur feriæ , & potissimum dies dominicus ( qui a temporibus Apostolorum in ecclesia dei semper celebris fuit ) institutæ sint . Nempe , vt tum in unum omnes pariter conuenirent ad audiendum verbum domini , ad audiendum quoque sacrum , & communicandum . Breuiter , ad vacandum deo soli , vt dies illa tantum orationibus , hymnis , psalmis , & canticis spiritualibus transigatur . Hoc enim est sanctificare sabbatum .

Exodi. 20  
Deut. 5

In ferijs soli deo vacandum . Cap. X.

Esaia. 1.

Quamobrem cupimus , hisce diebus prohiberi nundinas , claudi capo nes , vitari comedationes , ebrietates , sumptus , lites , lusus improbos , choræas plenas insanijs , colloquia prava , cātilenæ turpes . Breuiter , omnem luxum . Nam hisce ( & quæ hæc sere semper consequuntur ) blasphemij ac periurijs nomen domini prophanatur , ac sabbatum ( quod nos admonet , vt quiescamus peruerse agere , & bene facere discamus ) contaminatur .

Dies dedicationis templi extra Coloniam , uno dñe ubique celebrandus , & quomodo sit admonendus populus . Cap. XI.

Et quum in diebus festis ( quæ dedicationi ecclesiæ peculiariter dicati sunt ) plerunque indigna committantur , adeo vt videatur populus tum potissimum comedationis causa conuenire , visum nobis est , vt per dioceſes nostras , uno certo die anni quo eiūcmodi festum dedicationis in metropolitana nostra colitur , in reliquis quoque ecclesijs omnibus extra ciuitatem nostram Coloniam Agripinam constitutis obseruetur . Nam intra Coloniam summo nostro templo suus honos constare debet , quod & in alijs oppidis insignioribus , vbi una ceteris ecclesijs præeminet obtinere placuerit , videlicet vt ibi minores ecclesiæ pridie eius diei qui dedicationi ecclesiæ summæ eius loci consecratus est , aut die dominico proximo præcedente suas singulæ dedicationes celebrent , obseruetur . Docendus autem est populus